



第一三五三册

四庫全書

●上海古籍出版社

● 上海古籍出版社

本冊目次

五百家播芳大全文粹（二）

宋 魏齊賢同編……………一
葉集

卷一百一十五

欽定四庫全書

集部

五百家播芳大全文粹卷四十九

五十

詳校官編修臣謝振定

助教臣常循覆勘

總校官編修臣王燕緒

校對官中書臣李荃

曆錄監生臣梁微

欽定四庫全書

五百家播芳大全文粹卷四十九

宋魏齊賢

葉榮同輯

通啟

通易尚書啟

朱湛盧

欽定四庫全書

五百家播芳大全文粹

二

侯長沙之星慙切分閭望尚書之斗喜在鳴珂已脂轄
以肯堂亟學牋而持敬恭惟某官輪囷奧識灼爛高文
紅錦賜袍登仙仗鸞坡之上紫荷持素在屬車豹尾之
中顛頑飛霞藏美明月方欲作郊祀之歌以粉飾禮樂
抑且規帝王之制而裁成典墳忽觀滄海之浮雲盡付
黃梁子昨夢詩書之教鳩舌天今變于娥姬吟詠之落
烏蠻人競傳于款乃騎鯨過去跨鶴俄還寓惟平生討
論述作之工實得前日寂寞寬閒之力崑崙碣石細箋
禹貢之山川鄉遂井田增釋周官之制度已張騰于紙
價頗傳習于經生向使黃扉紫闥而益顯其身安得玉

佩璫珞以大為不朽貽天心之有屬豈世俗之所能知
舒卷隨時寧久篋中之團扇論思有詔即遷坐上一青
氍毹猥以庸才荐膺重寄繼常侍湖南之詠自顧非才
聽任公戶下之規願安承教

通王侍郎啟

王邁

少而抱縣父瞻魁宿于璇霄壯也彈冠行覲德星于珂
里雖素于左右殊無介紹然見之方冊不昧平生敬飭
訥詞僭于嚴分恭惟某官任重而道之遠表粹而裏則

欽定四庫全書

五百家播芳大全文粹
卷四十九

二

剛方在韋布之時已負搢紳之望碧雲章句號閭苑之
謫仙黃甲科名叶湘川之佳議別竄芸館含香錦園翠
節朱輻輳沛黍苗之雨紫薇紅藥曾依香案之雲方為
禁從以小智乃壓神明而巧去十連為帥方蘇凋瘵之
氓五嶺皆炎變作清涼之境胡然為衆所忌正坐其名
太高一壺未歸六丁莫挽髮為憂邈而半白心思報國
以常丹冠公不入中書莫答璽珠之問裴相方游綠野
其如柱石之衰佇下綸音徑思國柄伏念某弱惟殖學

貧只賣文固嘗感慨于事功其奈關心于場屋天庭對
策妄陳憂國之孤忠未第書名何惜避人之三舍來傍
蓮池而漫仕已驚庖戊之過期胡遲其來蓋恐素官之
無譜或贊其決以有違尊之可師惟顧矜憐臭味之同
庶有終始幃幃之託俾遂親養得違官箴揚儀之無材
力之可稱正深原康密子賤待老成而後決尤切拳拳

通周太尉啟

洪景伯

近長安之日記陪天上之將對江東之雲健想軍中之

欽定四庫全書

五百家播芳大全文粹
卷四十九

三

樂無從抵掌祇有傾心恭惟某官氣稟西山聲播赤壁
號萬人之敵名在伏波翰墨之場當八面之鋒勇過晏子
樽俎之畧中國噤吸之既固外夷心膽之既寒況以真
將軍堅壁之餘風而奉太夫人安輿之一笑忠孝兩盡
若是艱哉文武兼資特其細圖功既高子敵愾當未稱
于酬勞撫中權于天塹之陽懷遠笑于祁連之北雖講
止戈之武不忘擊楫之心江漢草木之知名坐底三邊
之靜山河帶礪之中誓魚膺兩鎮之勞某榆莢生涯菊

花歸夢月明鵲繞每思廉橫舉之詩秋高馬肥敢後寄
加餐之字

通待制辛師啟

林豈塵

疇庸北固易鎮南昌崇舍陰濃頤政江山之舊松階望峻
載觀戰轟之新先聲勇來閩郡欲舞顧趨承子東屬尤
感發于私衷蓋謂自三光五岳之氣分嘆英豪其有幾
更四聖百年之治足慨功業之良難早聆季子之來歸
衆喜夷吾之復見使表餌得行其策則規恢豈俟于今

欽定四庫全書

五百家補勞大全文粹
卷四十九

四

方期父老之推牛開閭持勞豈謂兒童之竹馬夾道俟
迎抑九重深軫于此方乃三錫重勤于老手恭惟某官
蓄雄剛之至德負卓越之奇才九卿高惟月之班四國
徧子蓄之績維是胸中之湖海飄然與造物者游發為
筆下之波瀾殆非食煙火人語脫畧軒裳之表道遙岩
壑之姿然而當世望其有為吾君引以自近旋由次對
荐畀輔藩居中則可寢謀于淮南捍外則尚何憂于江
左雖咽喉之內地實襟帶于上流眷顧周行見大夫無

可使者儀國宿望一敵國豈不隱然不妨玉節之重臨
佇聽金甌之有命某低徊一第遭蹇半生素亡踰人矧
未更事猥玷公朝之荐口重慚計悞之素餐會逢十乘
之啟行欣托二天之覆露豈若秦之視越瘠當不動心
倘如晉之用楚材或堪為役

通留經畧啟

王弱翁

西洛耆英嘯傲三公之府南京冷宦依棲數仞之墻先
上日以通名望下風而起敬竊以先達之于後進世族
欽定四庫全書

五百家補勞大全文粹
卷四十九

五

之于素門勢分固殊校合亦寡惟元城之在宋問業有
徒與了翁之居淮及門者衆而况三朝元老之通嗣一
代人物之宗師稍有知識皆知歸向恭惟某官文章奎
壁德望華嵩忠孝通乎神明出處關于世運故國謂有
喬木稱到于今後人猶愛甘棠何況其子肆春秋之鼎
盛歷中外以海揚即省陞華風采耀鳴珂之列選庭出
使笑談獲全璧之歸持麾把節于湘中易地建臺于江
右仁心撫字山林野史之屢書陰德平反道路口碑之

欽定四庫全書

五百家類纂卷之十九

六

交頌聞十連之帥閭屹百粵之長城惠行而龍戶雅呼
威肅而鯨波恬靜余外地去天之遠而浮雲蔽日之明
一壑來歸六丁莫挽蓋韓李家傳之清白素所服膺而
金張勢焰之薰蒸耻于多手勳草當疾風而不改寒花
于晚節以尤香種樹山中白傅唱風流于九老植槐庭
下魏公傳事業于三郎傲睨軒裳追隨觴詠勝事園林
清時鐘鼓如許清閑上天將相孰為輕重平地神仙此
固衣冠之美慕其如冕旒之簡懷欲副岩瞻行磨枋用
伏念某癡惟視古樣不入時對策廣庭徒有空臆盡言
之直校文列陛乃罹譴聲大呼之譏比求宗邸之冷官隨
得翺林之化筆未能適道敢為好事章大州奉父母之
邦而年家忝子弟之列語掖之以藥其失推輓之以玉
于成既有耆德以依歸庶免生徒之嘲訕熏和染教期
為王孫公子之範模舉滯拔淹全賴察父哲兄之提挈

通安撫衛大參啟

李漢老

書生漫仕抗塵縣掾之卑卜史涓辰隸役帥連之下藐

欽定四庫全書

五百家類纂卷之十九

七

塵埃之簿領跼霄漢之符章斐然條詞甚矣犯分恭惟
某官造道自得經德不回退然得聖人之清進則任天
下之重外凌雲之未剪內偃月之方深去而達之十載
孤舟之橫水時乎可矣一朝巨棟之擎天不負獨對羣
衣之詩盡洗兩造吾門之誦入參國論出庀官方卒以
道而屈伸初何心于止速在外則植旗旄羅弓矢公豈
此榮其功之銘鼎鑒播絃歌士誠有望不謂聽麻于文
德轉而分竹于武安長沙千里之平古稱清絕洞庭九
州之大新因繹騷茲勤二三執政之行殆非尋常謀帥
之比自天有命固已興宣室之思惟帝念功寧久作南
邦之式暫撫湘壘之蘭芷即歸商鼎之鹽梅民無不獲
之天公有無窮之聞某起家素賤受質朱愚學不全人
空守嗜書之癖飢來驅我遂生竊祿之饒不虞小吏之
凌兢自託大鈞之缺比遽俊造而廁下列嘗累一陶甕
章服而揖上官惟當三沐

通浙西袁安撫啟

李漢老

十年幕府負公事未了之癡千里王畿隸華使周爰之度聊步邯鄲之故欲瞻京兆之真輒脩偶儔之詞薄叙畸孤之迹伏念某學惟洛誦家本唐餘因應試而情農遂去民而就吏昨貪近祿浪賦遠將歷井捫參再造魚鳧之國逾汚入渭兩經烏鼠之邦偶爾得歸置之勿論茲操破釜來問大鈞辱令芻狗之陳更贅木牛之運舉頭見日良忻咫尺之天滿腹飲河政不過斗升之水然非有萬間之茭若為三匝之依伏遇某官器博而周材

欽定四庫全書

五百家類方大全文粹
卷四十九

八

宏且毅無曲學以阿世言言博士之風不錮人以收功挺挺司徒之烈徧儀臚任具載休聲惟長安諸夏之原視商邑四方之極宜得翁歸之公潔仍蕪廣漢之聰明美印無以易堯持教使之告舜京師浩穰已迎刃肯綮之間侍教論思即聽屢凝嚴之上尚念某不堪位置何足控持效韓愈謹奉大尹之書非為文也慕劉向獨序馮翊之傳尚有志焉

通楊安撫啟

危昭德

疏榮中禁移鎮上流晚行湘水之春想難樂于舊轍日賞岷山之景已近聽于來音拜履未遑馳笈徑達恭惟某官千齡異秉四海芳名得于忠厚之傳加以淵源之學政方流于花縣聲已達于楓宸屬多壘之為憂至奪情而強起虎符竹使甫臨鎮于近邊霍暖風聲已飛傳于遠塞遇師枕席之上折衝樽俎之間底定武功升文華監忽遠長安之日去開衡山之雲平李愷之耀以脩凶荒明皋陶之刑以肅奸宄紅旗破賊既飛捷于九天黃

欽定四庫全書

五百家類方大全文粹
卷四十九

九

麻似經知告庭之即日適以封疆之慮尚勤鉄鉞之臨惟是襄州甲于京介最風寒之要處實天陰之奧區屬時傷創之甫寧如人尪羸之方起血脈正資于護養精神未暇于飾脩此問甲兵既非晉人之犀利旋觀營壘亦非諸葛之規模望公之來以日為歲得李牧而為守匈奴豈足憂哉有充國以屯邊羌人不敢動矣上既寬于北顧公即慶于東歸鎮撫有餘經綸何限某適官期之甫及服吏役以惟新白鹿陂頭掇贊碧油之寄青牛

閭外忽傳紫氣之臨遙瞻行李之光深切望梅之意有
河陽之幕以致溫造雖愧非材勒淮泗之碑以頌晉公
已思濡筆

通李制置啟

朱復之

分楚服以殿藩冒膺寵數控吳都而制閭近接聲光星
聯軫壁以在水會江流而宗海志同氣合賤往神馳
恭惟某官伊尹佐王之才班馬傳家之學淮端八議篇
篇玉鑑之秋帝學一書字字金瑩之露曩游碧落密侍
欽定四庫全書

五百家類方大全文粹
卷四十九

十一

清光挾雲漢而分天章將上規于典禮呈琅玕而叫閭闔
請下採于芻言身歸岷峩名濡宇宙以彼外庸之績摠
此要衝之權昔天下曹劉走馬跳兵之地迺禁中顧牧
輕裘緩帶其間根本內強風寒外護若周公瑾之方畧
與陶士行之經營使人慨興千載之思惟公豈在二人
之下江山如舊斷為烏鵲之南飛苑落可依尚使犬羊
之北走將益慨于上策以共濟于中興某舊辱深知今
暫並命在珠側而我穢章鄰照之見分其波及者君餘

愧上將之不逮

通某憲使啟

戴翼

東壁清暉暫領繡衣之斧南昌小吏喜依玉節之麾誓
以身歸大造之陶鎔澁此膽于細夫之竿牘犯嚴造次
俟命凌兢伏惟某官學老而文秀人今而道高真心貫日炳炳六
泰階之昭符勁節凌霄岩岩九華峯之鍾秀所養者得
孔孟聖賢之定力故發而皆變高遠大之奇勲自登龍
虎之上游遙屏驂驅之雋軌三異奏庸于花縣十行促
欽定四庫全書

五百家類方大全文粹
卷四十九

十二

觀于楓庭綸院褒揚官無冗辭計司置衍軍不乏需當
明天子不諱之時居大丈夫敢言之地嘉謀告后鳳鳴
于岡而梧桐以生正色立朝虎猛在山而藜藿不採望
峻回天之力華陞維月之聯方觀要路之橫翔胡乃急
流之勇退蓋天欲救細民于積年之涸轍故上特畀明
公以十道之祥刑除命甫馳到城交疎索照私相顧而
喪魄闔閭得一笑以伸眉蘇孺文果不受故人之私范
孟博真有清天下之志雖江右總十一州之地願駐蹕

惟恐朝廷不三五日之間別頒褒貶某蟬蛭小用芻狗棄才家貧而笑饘粥之無田技拙而藉詩書以為業衆徒庠序飽二十年學舍之盤盂負米朝脯奉八十歲親庭之菽水雖鶚板屢年之捷奈龍門萬丈之高迫于癸未之春始沾慈恩之列仕不擇祿急于為親第一尉如綫之微而衆務棼絲之集矧茲劇邑之重尤非謏材所堪倘無歸向于中寧免諠訶之及幸戴二天之在上庶幾一日之能安河漢占星漸喜近榮煌之坐樓臺得月

欽定四庫全書

五百家編年大全文粹

三

願永依臨照之光

代通四川趙茶馬啟

李漢老

分已跡之旗旌溫膺守土占益州之分野知有使星欣竊庇之自今愧修辭之已晚恭惟某官風猷凝遠天韻宏深博極羣書太乙之藜相照文鯁萬丈長庚之夢不虛藉未陳周召之詩書亦宜厭閭平之禮樂恬為丞之再轉甘出守之一麾刻銅虎之符存揚美最麓木牛之餉益茂膚功謂宜運海以搏鵬又使摘山而市駿周原

之茶騰騰包以緇奩魯坭之馬駟駟爛如雲錦豈容默實行有紫泥某頌頓之資疎鹵於事將指以出溫持天子之節旄無功而還不得月底之要領敢意冒升于荷橐且今假守于銅梁有如凌兢仰荷舍度東西之瞻使節倘未賦于旋蹄前後之間清塵尚有餘于同味

通王泉使啟

洪景伯

欽定四庫全書

五百家編年大全文粹

三

帥聞時庸治基階罷行行且止而避御史威望素高皇皇者華而遣使臣利權增重八鸞蒞止百難聳觀恭惟某官氣直而剛學純且博垂大名于方冊之上殆四十年表清規于縉紳之間纔一二數入蓬翔鴻之序進升戎牙之班當濶倒之衝而定力不移有壁立之風而危言自信人方患積薪之勢公獨為曲突之謀發巨奸于間不容穢之時制火變于危如累卵之勢盡奪羣邪之氣復開衆正之途雍齒且侯魯連已去吾在汶上矣誰謂留行君薄淮陽耶不妨臥治方寬北顧又趣東來聞天地之藏于咲談運造化之功于掌握不勞笏畫自見

錢流雖心計之長正難其人然風采之著寧久于此立
九府之圖法小施橐籥之功陳六符之泰階即試鈞陶
之手某自甘獨冷共咲太清久矣獲從諸公之游今焉
幸際一世之望倘許執經而問難庶幾就道以漸摩江
左之見夷吾何難富國汝南之有顏子正賴鑄人欽嚮
惟多鋪張罔究

通福建李提舉啟

方蒙

躡跡鵷鷺堂望魁躔之色叨榮牡駘得親使節之華平

欽定四庫全書

五百家類書大全文科
卷四十九

七

生素見許以襟期聯事又相闕于脈絡喜而不寐辭以
見情恭惟某官貫日忠精彌天聲價奪龍頭而鼓餘勇
早寧室冀北之羣執牛耳而主齊盟今見推斗南之一
頃卿鄰之有闕入帷幄以贊謀迄今五羊之境安全藉
六轡之名重其出處進退之際乃理亂安危所關遂上
蓬山胸著青藜之劉向至躋粉省眼空皓首之馮唐幹
魁柄惟少遲之危屬車豈不可者屬時皇上惠顧閩中
潤四方霖雨之恩普一道福星之照公舉刺而吏貪之

盡洗薄征飲而民力之頓蘇凜然如大行臺諱焉號真
刺史然而時尚多故事有至難百年之局面轉危諸賢
之國手可想力不弘固無以勝此任用未盡亦何以責
其功世道如斯公等安在吁由庸使徑拜頭廳永器槐
位之芬芳大究菊坡之事業某去國三暑錮身一寒懶
再乞于鏡湖欲永尋于盤谷忽叨乘傳莫許循牆顧筋
力之支離且聰明之殫淺非得使者體何為馳原隰之
車政恐好事人欲勒回山林之駕幸是觀風之部最為
近水之臺甘苦必均休戚必同有無相通緩急相應
與故人欲雖非廬訪之所宜為君子僚惟願歲規之樂
告

欽定四庫全書

五百家類書大全文科
卷四十九

七

通潭州馬通判啟

榮膺宸綽顯貳价藩千里展長沙之平古稱清絕別駕
居刺史之半今得仁賢先驅有嚴和氣已滋恭惟某官
材猷凝遠識度閑夷勲業終歸于伏波雲初固在方畧
何如于封虜風烈隱然久載休聲宜躋華貫高屏星之

借重使湘水之安流清風明月之平分折瓊枝而離佩
高蓋華軒之一丈齊玉軼而並馳和國不空公侯必復
某失身副墨食志勾朱綴簿上而趨閣前繞枝已久采
水中而塞木末託塵方新尚微風雨之幘幪庶免塵埃
之簪楚

通王知縣啟

方巨山

天各一方幾費池塘之春夢地方百里通分鄰壁之夜
光矧同班飛太史之鳬敬鳬積傳故人之鯉時其復矣

欽定四庫全書

五百家詩話大全文粹
卷四十九

七

喜則楚然恭惟某官落霞孤鶩之英辭舞雪游龍之妙
墨斗以南斗以北猶為奎宿之曜江之東江之西兩贊
使星之幙曩聞畫諾備極拊摩予以知寶嬰之源賴有
此玉山之秀畫簾寧寂夜戶自恬大夫曰賢何乃奏瑤
琴於五柳之縣天子有詔圖其鐫璫琚于萬笋之班某
一拜以還幾年于此憶買犢荒山之底誰念吾民之最窮
想停驂野驛之寒曾拜君侯之大惠敢不三沐願聞一
言堯舜為吾君民毋憂掣肘魯衛之兄弟第賢欲此

肩輿企金音庶幾玉我

狀

謝董侍郎舉狀

李漢老

隨驃騎之幕溫備執鞭刺公車之章遽蒙推轂心感恩
而欲白面抱愧而發紅伏念某生多艱從官先拙貴人
今其出門下既不善于走趨大夫羅而至幕中亦備勤
于收拾豈謂半年之內復為千里之行治法征謀紛紛
未定幕書檄筆錄錄無奇然白日實照其精誠則赤雲

欽定四庫全書

五百家詩話大全文粹
卷四十九

七

可占于勝氣况值匈奴百年之運必復春秋九世之仇
颺犀扎而吮箴旌在此行矣封龍領而獵麟脚窺有望
焉魯未輸橫草之夢何遽辱采蘋之薦之吳下阿蒙之
學顧曰淹該無江南子布之詞及云典麗裨益之功甚
寡獎予之實何多伏遇某官以社稷臣為詩書帥孤忠
可貫于日月至誠之足達于天淵一鶴一琴人皆望清
獻之出萬牛萬變賊必待崇文之勤佇觀十乘之行大
作三軍之氣繫單于之頭慰祖宗在天之靈犁匈奴之

庭為疆敵侵邊之戒予以峻旂常之績歸而策鼎鼐之新凡在紅蓮綠水之間必入赤箭青芝之用某敢不力磨其鈍圖稱所蒙揮羽銘山敢樹文章之小技冶金伐石頌歌竹帛之大功

謝再侍郎薦舉狀

戴翼

二年岩邑分甘梅隱之淒涼一秩公車言重荷囊之論薦榮甚初宮之破白恍如再第之取青方目警一鶚之書復手捧雙螭之翰椿松為之動色桃李自此生輝捫

欽定四庫全書

五百家類纂大全元解
卷四十九

六

心知歸稽首以謝竊以向陽之木每易以為春營澗之松最難於見日地勢之遠近既判人情之取舍亦然故迹不在閭下之庭雖昌黎未免于疑信而言必近堂上之聽斯驂茂獲預于提撕矧薦舉之選甚艱而職令之員尤挾因循近日奔競成風下之人急于求故惟任私情而不恤于公論上之人難以應故止及近地而無暇于遠方乃欲破去拘攣之見而一付于公務求質實之才而不遺乎遠此則寒峻中千百事也其在當路不一

二見之如某者崎嶇半生僥倖一第竊祿以迎侍親老菽水常甘潔已而佩服官箴槩承自厲故處生數百里外常凜然如臨天府之前雖守官一二年間欲自此以行平生之志祇自謹于修飭初不求于聞知敢期王公大臣于采訪之中獨取小官下吏于疎遠之地古道自任今人所難細論華路之褒揚實倍他人之倫等舉詞多兩句而止今則二十字特書而最榮常例以照牒為先茲馬合一道奏狀而俱發似此眷遇異乎尋常誓當

欽定四庫全書

五百家類纂大全元解
卷四十九

七

終身敬事斯語佩力學奮身之訓則他日當無負于所舉誦能官得意之言則異時在無曠于厥官政欲助其長則思匪懈于公勤事欲得其平則願益精于剖決恪守四知之戒倍彈千慮之疑庶弗辜推轂之恩或可為銜環之報茲伏遇某官清朝元老正學宗師東省西樞參贊經綸之寄重出落入從論思撫士之功全既出為天子拯此方溝壑之民必須此人才為異日鈞陶之用遂令庸瑣亦預選掄某敢不勉奮孤蹤力堅晚節持一

念不取之學為異時誓報之圖自顧何人既辱玷山公之
之啟當思許國謹毋荒陸氏之莊過此以還未知所指

謝陳提刑舉狀

經年夜雨誰憐泮芹之清一日春風忽破庾梅之白郵
筒飛墜奏晴光接競看大使之文書乃親小夫之姓氏不
與釘金之記竟叨褒袞之榮品題十六字以甚嚴銘刻
千萬言而不足竊謂先朝立薦舉之法是乃累聖開功
名之途不謂昔日網羅英物之公轉為後來周旋人情
欽定四庫全書

五百家詩話大全文粹
卷四十九

主

之具求而得也弗求則不得也倖途既開賢者與之不
賢者亦與之濫竽寧免柳下惠之阮卑官賦文仲不能
引絳老人之困泥塗晉趙武弗及知養成一世奔競之
流遂致四維操履之玷故臨難無竭節之守而居官多
曠位之愆在承平猶以為非况艱難乎曰可自非孤
風之卓立夫豈頹波之易回激揚之間趨向所決若某
者心固動而德弗進年齒寢宿而意不揚雖聞先生長
者之言粗知古道然滯經生學士之業猶汨虛文頓懷

綉組之慙欲求耕獵之實偶投足于塵埃之地莫安心
于禮義之容矜佩競趨于城隅綠竹不聞于堂上卿隣
之聞猶纓冠而往救門外之寇敢遽席以偷安當同舟
遇風之時出位不顧奮執戈衛社之勇非學而能義有
當然功非所計在泮水敲鼓幸依魯僖之賢息潢池弄
兵盡在龔公之化曾非一介若有寸長寡其過而未能
無所學之可取胡得之于物論併舉以為已榮伏遇某
官崖畧甚高戶庭無壅登車有天下之志允藉澄清推
轂追古人之風不由請謁元使君當路萬物吐氣為大
夫秉鉞多士拔尤使致妄庸亦蒙收錄某敢不益加砥
礪無負陶銘拜官公朝謝恩私門敬奉羊侯之所戒遇
非衆人待以國士當圖豫子之未能感激無窮數宣曷
既

謝彭黃堂舉改官狀

鴉飛春雪方蒙褒袞之華鶚送秋章又預誥金之賜化
治軒旋之力重師門成就之功深百拜周章萬分榮感

欽定四庫全書

五百家詩話大全文粹
卷四十九

主

欽定四庫全書

五百家類書大全文粹
卷四十九

主

竊以薦敷一路固欲拔平人材得失兩歧亦有闕于造化垂成幾壞曾鑒薦福之碑已失復全或反相如之璧信于中自有消長乘時之理而在上實司轉移闔闢之權苟或得成大非偶爾某者躊躇不武拙訥無文百不達人一惟安分欲動叔向之聽既乏蠟言要求子公之書又無蟻援甘委此身于造物敢蒙榮望于窮途惟老天不棄于孤寒故今日欣逢于特達方自下車之始海蒙推轂之誠薦以序陞俾之出幽谷而遷喬木還之京剡甚矣障百川而回狂瀾雖云終定者天然果孰為之地伏遇某官斯文元氣前輩盛心品類曲成不使一物失所羣才並舉惟恐片長或遺知某之愚無他賜念某之拙無繆巧計之一紙重若干鈞定力底柱而不搖公論持衡而平決兩全所欲衆嘆其公某敢不稽首愚門服膺師訓行修何有期以經明民服未能勉之政理敬佩撫摩之誨以為續致之圖益勵初心庶蒙鈞惠吹噓借便雙鳬欲近于雲程消息指期一雁俾傳于春信其為感

詠周既編序

遠迎 攀連 辭 先狀

迎蔡相裕陵還闕狀

伏審竣事西陵還轅北闕祇奉祠于虞帷行稅鞅于都閨即遂贈承良慰傾佇

迎文太師到闕狀

側聽德音睦思國老謂風欽于燕望故渴見于光儀詔使旆以屬途慰邦民之延首炎陽貫序勉馳輦洛之郊飛

欽定四庫全書

五百家類書大全文粹
卷四十九

主

蓋臨風佇適宣溫之戶某式處在位阻候行郵伏祈上為廟朝益調殷鍊

迎鄭資政狀

伏承飭行自蜀修觀還朝旋聞駟刻之來繼有官祠之請雖獎安自便聊適于雅懷而傾囑攸同未厭于輿誦念山川之渺遠丁暑雨之裨延跋涉良勤遵順曷若輒寓誠于竿牘庸伸敬于記曹其在詠思併督前叙

迎文太師入覲狀

伏審肅廳台旃來觀帝庭寤寐粹容即奉清閒之焚馳驅大道周辭次舍之勤屬春律之始和諒福襟之樂固側聆車馭將屆却圻佇遂觀瞻預增欣抃

迎韓相入闕召以南郊陪位狀

伏承顯膺嚴召聿相大祠渴舊德之儀型留精衷之寵察都人屬目共瞻車馬之輝光裡條陪容佇接珩璜之步武未階觀觀預切忻翹

迎李戶書狀

欽定四庫全書

五百家類書大全文粹
卷四十九

三

伏審顯膺名節入觀嚴宸解全蜀之金龜臨西秦之周道抗搖搖之旆將憇于近圻觀兩雨之符佇披于華采緬惟福襟冲裕使騎勤頻爰冒秋炎尚留館傳即陪迎合預切瞻翹

迎韓相自洛西由關判北京狀

伏審肅馳大旆肆近路朝都民保道以言瞻宸扆注懷于來見矧惟暮屬之舊尤佇衮衣之還方冒沍寒尚勤行色冀順履與期屆禧祥

迎戶部陸侍郎狀

伏審解符邊閫貳秩省闈方祇命以造朝已抗旌而遵道屬在暄妍之序諒多跋涉之勤將獲披承併紓傾係其為忻懌未易究言

迎范戶部狀

伏審顯膺名節入觀嚴宸解慶節之冰符臨西秦之驛道隼旗抗路將親于前騶星并蓋簪佇聆于燕語緬惟陽春偃薄福履冲安方垂轡之尚勤冀與居之益獲

欽定四庫全書

五百家類書大全文粹
卷四十九

三

迎張宣猷狀

遠驅台旃甫次國都朝論且依上心虛佇阻于官制冀遂郊迎冀趨命之弗違副瞻風之已久

迎永興李實文狀

伏審光奉宸恩易綬帥閫旌牙就道將布政于河湟羣騎戒行方指途于靖澗矧屬煦風之久可期晤語之歡適此凜寒尚勤館穀諒惟賢德倍協和倪併俟披陳悉敷翺仰